

YANGI O'ZBEKISTON

Ijtimoiy-siyosiy gazeta

№ 80 (1141), 2024-yil 26-aprel, juma



www.yuz.uz



yuz.uznews



yuz_official



yuz.uz_news



yuz



HUQUQIY TAFAKKUR HODISASI

Yoxud taraqqiyotning o'qildiziga nega befarqmiz?

Tahlil va taqqos

Manzilimiz boshi berk ko'cha adog'idagi uy edi. Oldinda atigi ming metrcha yo'l qoldi. Atrofga qarayman, ko'cha ancha keng, fayzli, havasini keladi. Lekin bu taassurot uzoqqa cho'zilmadi. O'n qadam yurmasimizdan mashina yo'ldagi sun'iy do'nglikka duch keldi. Mashinani to'xtatib, sekingina undan o'tdim va endi tezlik dastagini ikkinchi bosqichga olmoqchi edim, navbatdagi qarshimdan chiqdi. U ham avvalgisiday baland, Xitoy devori kabi mustahkam. Shu tarzda o'ttiz-qirq hovlidan iborat berk ko'chaning boshdan-oxirigacha yigirmadan ziyod yo'ldagi sun'iy do'nglikni sanadim.



Kuzatishimcha, ko'chada uylar namunali tarzda bir xil qilib qurilgan. Aksariyat darvozaxonalarda qimmat ulovlar saf tortgan edi. Bu yerda moddiy jihatdan o'ziga to'q qatlam vakillari yashashi ko'rinish turibdi.

Bir qarashda mahallada barchasi risoladagidek. Ammo nega har qadamda sun'iy to'siq? Bolalarni himoya qilish, mashinalar sekin yurishi uchun qilingan, deyishga shoshilmang. Nima maqsadda shunday yo'l tutilganini yaxshi bilaman.

Lekin mazkur holat odamni o'ylantiradi. Chunki adog'i berk ko'chaga har zamonda biz kabi mehmon kelmasa, boshqa mashina oralamaydi. Boz ustiga, bitta yo'l belgisi bilan istalgan haydovchini ogohlantirish mumkin.

Shu gapni o'qib, yuzingizga istehzoli kulgi keldimi?! Demak, bunday ovloq ko'chada aksariyat haydovchilar yo'l belgisini pisand etmasligini yaxshi bilasiz.

► Davomi 3-beta

Yangicha yondashuvlar

QISHLOQ XO'JALIGIDA YAPONIYANING FUJIMIN TEXNOLOGIYASI



Mamlakatimiz qishloq xo'jaligida foydalanilayotgan sug'oriladigan yer unumdorligini saqlash va oshirishga ehtiyoj tobora ortib bormoqda. Ushbu masalani hal etishda tuproqni organik o'g'it bilan boyitish samarali usullardan. Shu bois, unumdorligi past yer sifatini yaxshilash hamda hosildorlikni oshirishda ilmiy asoslangan, suv va resurstejamkor texnologiyalarni joriy qilish ishlari boshlangan. Jarayonda yangi usul va texnologiyalarni qo'llash asosiy yo'nalishlardan biri bo'lib qolmoqda. Birinchi navbatda, sug'oriladigan yerda go'ng, gumin, biogumus kabi organik o'g'itlarni qo'llash lozim.

Prezidentimizning shu yil 13-fevraldagi "Qishloq xo'jaligi yerlari degradatsiyasiga qarshi kurashish, tuproqning gumus miqdori va unumdorligini oshirishni qo'llab-quvvatlashning qo'shimcha choratadbirlari to'g'risida"gi qarorida qishloq xo'jaligi mutaxassislari hamda yerdan foydalanuvchilar uchun tuproqni organik

moddalar bilan boyitishga doir qator jiddiy ko'rsatmalar berilgan. Ayni paytda samarali agrotexnologik tadbirlardan foydalanish bo'yicha ishlar jadal sur'atda davom ettirilmogda.

► Davomi 4-beta

Obod manzillar


"SHIRIN"NING BETAKROR JOZIBASI



2

Dolzarb mavzu

"PLASTIK" FIRIBGARLIK



Virtual immunitet — undan eng samarali himoya

5

"Yashil makon"

KO'CHATLAR SUVSIZLIK DAN EMAS, E'TIBORSIZLIK DAN QURIYDI

— O'tgan yili ham xuddi shu yerga — yo'l chetiga daraxt ko'chatlari o'tqazishgandi, bu yil yana ekishdi. Bir maromda ketayotgan mashina ichidagi jimlikni otaxonning shu gapni buzd. U ishora qilgan tomonga boqdim. Navoiy shahriga kirishdagi ko'cha chetiga daraxt ekilgan. Qanday daraxt turi ekanini anglashga ham ulgurmadim.

— Har yili shu ahvol. "Yashil makon" yaratamiz deyishadi, ekishadi, ammo ko'chatlar qurib qoladi, — so'zida davom etdi otaxon.

— Suvsizlikdanmi? Savolimdun keyin otaxon bir muddat sukut saqlab, keyin gap boshladi.

— Suvsizlikdan emas, bolam. Buning birinchi sababi hududga mos daraxt ko'chatlari ekilmagani, ikkinchi sababi esa suv bo'lsa-da, parvarishning yo'qligi. Ayrimlar ekan daraxtlariga yil bo'yi bir bor kelib qaramaydi. Hisobot uchun, rasimga tushish uchun ekishadi-yu, shu bilan qaytib qorasini ko'rsatmaydi, — deydi otaxon.

Albatta, otaxonning gapida jon bor. Zero, har bir hudud o'ziga xos iqlimga ega va unga mos daraxt turi ekilishi eng muhim jihat.

Navoiy viloyatida 2023-yilning kuzgi mavsumida 6 millionga yaqin, joriy yil bahor mavsumida 9 million tupdan ortiq turli daraxt ko'chatlari ekildi. Viloyat iqlimini hisobga olib, mutaxassislar tavsiyalariga asosan, gujum, qayrag'och, katalpa, akatsiya, zarang, shumtol, tut, jiyda, yong'och, uzum, terak, tol kabi daraxt va buta ko'chatlari tanlandi.

Yangi ekilgan ko'chatlarning har birini talafotsiz ko'kartiib olish, o'sib daraxt bo'lgunicha doimiy nazorat va parvarish qilish borasida ham aniq choralar belgilangan.

O'tgan yillarda bu borada ayrim kamchiliklar ko'zga tashlandi. Tanlangan daraxt turlari iqlimga mos kelmagan, ba'zida ko'chat ekilayotgan maydondagi suv ta'minoti yoki daraxt parvarishi uchun yetarli sharoitlar bor-yo'qligiga birov qiziqmagan. Endi shu jihatlar e'tibordun turibdi.

— Ko'chat ekishda, avvalo, tuproq tarkibi, iqlim sharoiti va suv ta'minoti hisobga olinmogda. Viloyatimiz iqlimga, asosan, akatsiya, qayrag'och, cho'l hududlariga esa sak-suvul ko'proq mos keladi. Ekilgan ko'chatlar nazorati yo'lga qo'yilmogda. Har bir ko'chat "Yashil makon" platformasiga manzili bo'yicha kiritildi. Yo'l chetlarida ekilgan daraxtlarni maxsus transport yordamida sug'orish yo'lga qo'yilmogda. Har bir manzilda yaratilayotgan yashil hududlarga mas'ul tashkilotlar ham belgilandi, — deydi Navoiy viloyati ekologiya, atrof-muhitni muhofaza qilish va iqlim o'zgarishi boshqarmasi bo'lim boshlig'i Furqat Qodirov.

► Davomi 2-beta

YULDUZLAR MANGU YONADI



MUHAMMAD YUSUF HUDUDI

Bahor bu yil seryog'in keldi, yomg'ir — rahmat suvi ko'p va mo'l bo'ldi. Ona tabiat — yon-atrof — bog'-rog'lar gullab-yashnadi. Ayniqsa, so'lim Toshkentning qoq markazida adabiyotga katta e'tibor va g'amxo'rlikning yaqqol namoyoni, betimsol ramzi sifatida qad rostlagan muzayyan Adiblar xiyoboni g'oyat ko'rkam manzara kasb etgan.

Kunda-kunora yog'ayotgan yomg'ir go'yo borliqni bosh-oyoq yuvib, tozalab, poklab bermoqda. Olam ozoda bo'lib borayotir dam sayin. Yangilanish, go'zallik fasli ko'klam bu yil yana bir jihati bilan fayzli, sururli keldi. Doim yoshlar bilan, hayotga, sevgiga mahkam va mustahkam bog'langan, yorug' va porloq orzu-o'ylar, maqsadlarga vobasta dillar bilan, adabiyot ixlosmandlari, she'r muxlisarlari bilan gavjum Adiblar xiyobonida har yilgidan ham ko'proq she'r yomg'iri, so'z yomg'iri

"yog'mogda". O'tgan asrlar, o'tgan zamonlardan chiqib kelib, bugun aziz umrimizga hayrat, mamnuniyat va rizolik ila qarab, kuzatib turgan ulug' adiblarning abadiyan barhayot siymolari huzurida nafis majlislar — suhbatlar, adabiy anjumanlar, mushoiralar davom etmogda. Bu yerlarda she'r, so'z, muhabbat yomg'irlari goh mayin shivir-shivirlar, goh favqulodda guldrosalar ila "yog'ib o'tmog'da."

► Davomi 6-beta

